

U skladu sa Zakonom o radu FBiH ("Službene novine F BiH" broj 26/16) i Zakonom o radu RS (Službeni glasnik Republike Srpske br. 1/16) i članovima 68. i 69. Pravilnika o registraciji, statusu i transferu Igrača NS/FS BiH ("Službeni glasnik NS/FS BiH", decembar/prosinac 2017. godine), dana _____ godine u _____, zaključen je

UGOVOR O RADU (IGRAČA PROFESIONALACA)

između

FK/NK _____, sa sjedištem u ul. _____ br. __, koga zastupa ovlašteno lice Kluba _____ (u daljem tekstu: **Klub**)

i

_____ iz _____, ul. _____ br. __, JMBG _____

(u daljem tekstu: **Igrač**)

Član 1.

Ovaj Ugovor zaključuje se na period **od** _____ **do** _____ godine čime se ujedno zasniva i radni odnos Igrača na vremenski period na koji je Ugovor potpisan.

Član 2.

Od dana potpisivanja ugovora teku međusobna prava, obaveze i odgovornosti iz radnog odnosa između Kluba i Igrača.

Član 3.

Opšta prava i obaveze Kluba i Igrača određuju se u skladu sa Pravilnikom Kluba.

Član 4.

Obaveza Kluba prema Igraču:

1. Osiguranje radne/sportske opreme, sportskih terena, objekata i stručnog kadra;
2. Osiguranje troškova puta, boravka i smještaja za takmičenje ili u vezi sa takmičenjem;
3. Osiguranje Igraču svih prava iz radnog odnosa u skladu sa zakonima države BiH i entitetskim zakonima uz plaćanje svih propisanih obaveza i doprinosa prema Igraču;
4. Plaćanje troškova za liječenje sportskih povreda zadobijenih u vršenju radne/sportske djelatnosti;
5. Osiguranje sredstava za pohvale, priznanja i sportske trofeje za ostvareni sportski uspjeh;
6. Osiguranje Igrača protiv povreda na radu, bolesti, invaliditeta i smrti;
7. Dopuštenje i omogućavanje Igraču učestvovanja na treninzima, pripremama i nastupima u reprezentaciji BiH ukoliko je pozvan, ili u nacionalnoj reprezentaciji za koju Igrač nastupa.

Član 5.

Obaveza Igrača prema Klubu:

1. Redovno učestvovanje i uredno izvršavanje zadataka na svim treninzima i takmičenjima Kluba;
2. Izvršavanje svih radnih naloga trenera i drugih opunomoćnenih stručnih osoba u Klubu za obavljanju radne/sportske aktivnosti;
3. Savjesno i potpuno zalaganje za postizanje rezultata i uspjeha Kluba;
4. Prihvatanje Pravila nogometne igre, statuta, pravilnika i odluka Kluba, NS/FS BiH, FIFA-e i UEFA-e;
5. Neodložno javljanje ovlaštenom ljekaru Kluba u slučaju povrede ili druge vrste oboljenja;
6. Učestvovanje na svim javnim priredbama, promocijama, emisijama radija i televizije, a radi doprinosa u aktivnostima Kluba;
7. Da u istupima za javne medije ne daje izjave koje se odnose na unutrašnje odnose Kluba, a naročito o taktici, treningu i slično;
8. Ponašanje u privatnom i javnom životu na način koji ne šteti ugledu Kluba i nogometu u cjelini;
9. Učestvuje na treninzima, pripremama i nastupima reprezentacije NS BiH ukoliko je pozvan, odnosno u drugoj nacionalnoj reprezentaciji za koju nastupa;
10. Sportsko ponašanje prema svim učesnicima u takmičenju i prihvatanje sudijskih odluka.

Član 6.

Igrač ima pravo na plaćeni godišnji odmor za svaku kalendarsku godinu, nakon 6 (šest) mjeseci neprekidnog rada tj. nastupa za Klub. Godišnji odmor Igrača će biti usklađen sa terminima nastupa Kluba u zvaničnim takmičenjima u organizaciji NS/FS BiH, NS FBiH, FS RS, UEFA-e i FIFA-e, a prema Pravilniku Kluba. Plaćeni godišnji odmor Igrača ne može biti manji od 20 (dvadeset) radnih dana.

Član 7.

Igraču pripada pravo na sedmični odmor u trajanju od najmanje 24 (dvadesetčetiri) sata neprekidno. Ukoliko Klub igra utakmicu u vrijeme kada Igrač ima pravo na dan svog sedmičnog odmora, Klub će u dogovoru sa Igračem i prema slobodnom terminu osigurati neki drugi dan za korištenje.

Član 8.

Za obavljanje poslova kako je propisano ovim Ugovorom, Klub se obavezuje Igraču isplaćivati plaću u skladu sa odredbama ovog Ugovora, Zakona o radu te Pravilnika o radu Kluba.

Ugovorena primanja ličnog dohotka u bruto iznosu za Igrača iznose _____
KM.

Primanja iz stava 2. ovog člana mogu se povećavati ili smanjivati u zavisnosti od rezultata Kluba i u skladu sa Pravilnikom Kluba.

Plaćanje poreza i doprinosa na primanja Igrača predstavlja obavezu Kluba.

Član 9.
Igrač može ostvariti pravo na sljedeće naknade:

- Naknada za potpis ugovora u visini od:	_____ KM;
- Naknada za osvojene bodove u takmičenju u visini od:	_____ KM;
- Naknada za ostvaren plasman u KUP-u BiH u visini od:	_____ KM;
- Naknada za plasman u međunarodna takmičenja u visini od:	_____ KM;
- Naknade za korištenje stana odobrena u visini od:	_____ KM;
- Naknada za korištenje automobila odobrena u visini od:	_____ KM;

kao i sve ostale naknade predviđene pravilnikom Kluba.

Član 10.

Prilikom isplate primanja služba finansija Kluba dužan je Igraču uručiti pismeni obračun primanja.

Isplata primanja Igrača nije javna.

Član 11.

Primanja koja sadržavaju i ostvarene naknade prema klupskom pravilniku, isplaćuju se na mjesečnoj osnovi za svaki mjesec Igraču koji je izvršavao svoje obaveze previđene ovim Ugovorom.

Član 12.

Ovaj Ugovor može biti raskinut sporazumno, u slučaju opravdanih razloga, sportskih i sportski opravdanih razloga, razloga predviđenih klupskim pravilnikom, Pravilnikom o registraciji, statusu i transferu igrača NS/FS BiH ili pozitivnim državnim propisima.

Sporazumi raskid ovog Ugovora može se izvršiti tokom cijelog trajanja takmičarske sezone.

Ako postoje razlozi za raskid ovog Ugovora, a Ugovorne strane ne mogu da postignu dogovor, raskid istog odobrava Komisija za status Igrača nadležnog registracionog Saveza u prvom stepenu. Prema žalbi u drugom stepenu za Igrače Premijer lige NS/FS BiH rješava Komitet za status i transfer Igrača NS/FS BiH. Za ostale Igrače nadležne su Komisije za status Igrača NS FBiH i FS RS.

Ugovor se ne može jednostrano raskinuti za vrijeme trajanja takmičarske godine.

Posljedice sporazumnog raskida, raskida u slučaju opravdanih i sportski opravdanih razloga razloga te jednostranog raskida ugovora, predviđene su čl. 87. – 100. Pravilnika o registraciji, statusu i transferu igrača NS/FS BiH.

Član 13.

Klub je obavezan sve odluke o pojedinačnim pravima i obavezama Igrača dostaviti u pisanom obliku lično ili na prijavljenu kućnu adresu.

Član 14.

Ukoliko Klub i Igrač izvrše izmjenu i/ili dopunu ovog Ugovora putem aneksa, sporazuma ili na drugi način, Klub je obavezan da nadležnom registracionom organu dostavi primjerak potpisanog akta kojim se mijenja ovaj Ugovor u roku od 5 (pet) dana od dana potpisa istog.

Za sve izmjene i dopune ovog Ugovora neophodna je pismena forma, a iste postaju sastavni dio ovog Ugovora.

Član 15.

Na prava i obaveze Ugovornih strana koja nisu uređena ovim Ugovorom, primjenjuju se odredbe važećeg klupskog Pravilnika, Pravilnika o registraciji, statusu i transferu igrača NS/FS BiH te pozitivnih zakonskih propisa BiH.

Član 16.

Ovaj Ugovor stupa na snagu danom obostranog potpisivanja istog.

Član 17.

Ovaj Ugovor o radu zaključen je u 3 (tri) istovjetna primjerka, od kojih po jedan primjerak zadržavaju nadležni registracioni savez, Klub i Igrač.

ZA KLUB

IGRAČ

br.
datum:

RODITELJ/STARATELJ

Da su ovaj ugovor br. _____ od dana _____ u _____ potpisali ovlašteno lice Kluba i Igrač, tvrdi i ovjerava :

**PREDSTAVNIK
NADLEŽNOG REGISTRACIONOG SAVEZA**
